

Edwin Abath den O.T.I. Internacional dia 18 di November na Miami



ORANJESTAD(AAN)-
Despues di cas 3 aña di lucha

duro, Aruba a ser admiti atrobe
den Festival di O.T.I.-Inter-

nacional. Representante di Aruba lo ta e fabuloso estrella Edwin Abath, kende a gana e ultimo festival di O.T.I. aki na Aruba.

Manera ta conoci, despues di Status Aparte,, Aruba a bira miembro adherente di O.T.I. y como tal no por a participa mas.

Dos Gabinete, esta Gabinete Eman y despues Gabinete Oduber, a traha conhuntamente cu sr. Joy Kock, y atravez di Embahada Hulandes na Mexico, pa logra e participacion pa e aña aki. Reunion lo sigui na Miami pa por logra cu Aruba lo por bay tur aña of manera a ser sugeri door di directiva int. di O.T.I. cu ta un aña p Aruba y e otro aña pa Antillas.

Sr. Demitrio maduro tambe a contribui substancialmente pa parti di Tele Aruba cu ta miembro di O.T.I.

Edwin lo canta e cancion cu el a gana cu ne, esta: "Mi viejo", pero modifica. E festival ta tuma lugar na Miami den "James L. Knight auditorium" y Univision lo transmiti pa henter mundo.

Lo ta dici cu Edwin ta no. 5. Conhuntamente cu Edwin Abath lo viaha e joven maestro Franklin Granadillo kende lo bay dirigi e orkesta di O.T.I.

Tambe lo viaha un representante di Tele Aruba y sr. J. Kock como lider di delegacion.

Diadomingo dia 5 di November Edwin lo canta e cancion aki durante e festival di ganadoman, e festival di mas grandi di Aruba den Aruba Concorde Hotel.

Diabierna dia 3 di November 1989 Edwin lo ricibi e distincion "nota di oro di Aruba" durante un cocktailparty den Concorde Hotel hunto cu tur e artistanan grandi.